

**JAVNI POZIV ZA FINANSIRANJE/SUFINANSIRANJE PROGRAMA I PROJEKATA  
U OBLASTI NAUKE U 2010. GODINI**

**1. „Podrška izdavanju referentnih naučnih časopisa, zbornika radova, bibliografija i sl.; Podrška postizanju referentnosti domaćih naučnih časopisa“**

*Kriteriji za dodjelu podrške:*

- redovnost izlaženja;
- recenziranje radova i popis recenzenata;
- postojanje domaće i međunarodne saradnje;
- sastav uredništva časopisa i omjer prihvaćenih i odbijenih članaka;
- dokaz da se časopis nalazi na spisku neke od referentnih međunarodnih baza naučnih časopisa, ili da je u proceduri upisa na listu referentnih časopisa, odnosno da je od izuzetnog značaja za određenu naučnu oblast u BiH,
- relevantnost i referentnost naučne manifestacije sa koje se izdaje zbornik radova,
- relevantnost i referentnost bibliografije za određenu naučnu oblast ili opće naučne tokove u BiH i svijetu.

Korisnici sredstava: javne naučne i visokoškolske ustanove ( univerziteti ), naučna i naučnostručna društva.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku izdavanju naučnih časopisa, odnosno zbornika ili bibliografija isključivo u dijelu koji se odnosi na materijalne troškove realizacije izdavačkog projekta ( troškovi tehničke pripreme i štampanja časopisa, odnosno zbornika ili bibliografije ), bez autorskih, uredničkih i sličnih honorara i naknada.

Javni univerziteti mogu kandidirati najviše 4, naučne ustanove najviše 2, a naučna i naučnostručna društva po 1 izdavački projekat u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 5.000,00 KM.

**2. „Podrška naučnom usavršavanju na postdiplomskom i doktorskom studiju državljana BiH sa prebivalištem na području Federacije“**

- a) zaposleni u visokoškolskim i naučnoistraživačkim ustanovama

Kriteriji za dodjelu podrške:

- lista prioriteta javnog univerziteta ili naučne ustanove za usavršavanje kadra sa obrazloženim zahtjevom za svakog pojedinog kandidata;
- potvrda NNV-a o prihvatanju teme i podobnosti kandidata (sa prosjekom ocjena) i potvrda o zakazanoj odbrani ili odbranjen rad u 2010. godini;
- dokaz o visini troškova odbrane magistarskog rada ili doktorske disertacije;
- biografija kandidata sa bibliografijom;
- učešće ustanove;
- finansijska sredstva će se dodjeljivati kumulativno javnim naučnim i visokoškolskim ustanovama (univerzitetima), a na osnovu detaljno obrazloženog zahtjeva, programa i finansijskog plana.

Korisnici sredstava: javni univerziteti i naučne ustanove.

Javni univerziteti mogu kandidirati ukupno do 30 kandidata, a naučne ustanove ukupno do 6 kandidata za sticanje oba naučnog stepena.

Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 4.000,00 KM po kandidiranom doktorandu, odnosno 2.000,00 KM po kandidiranom magistrantu. Prednost prilikom dodjele sredstava imaju oni kandidati za koje bude dostavljena potvrda o zakazanoj odbrani ili dokaz da je rad odbranjen u 2010. godini;

- b) ostali kandidati za sticanje naučnog stepena doktora nauka, koji nisu obuhvaćeni pod a)

Kriteriji za dodjelu podrške:

- potvrda NNV-a o prihvatanju teme i podobnosti kandidata (sa prosjekom ocjena) i potvrda o zakazanoj odbrani doktorske disertacije ili dokaz da je ista odbranjena u 2010. godini;
- dokaz o visini troškova odbrane doktorske disertacije;
- biografija kandidata sa bibliografijom;
- potvrda o zaposlenju ili dokaz da je kandidat nezaposlen;
- izjava kandidata da vlastitim sredstvima finansira izradu i odbranu rada;
- preporuke dva matična profesora;
- podrška će se dodjeljivati u jednokratnom iznosu.

Korisnici sredstava: kandidati za sticanje naučnog stepena doktora nauka, koji nisu zaposleni na nekoj od javnih visokoškolskih ili naučnih ustanova, odnosno oni kandidati koji su bez stalnog zaposlenja.

Zahtjevi koji budu odobreni od strane Federalnog ministarstva obrazovanja i nauke podržat će se u maksimalnom iznosu do 4.000,00 KM. Prednost prilikom dodjele sredstava imaju oni kandidati za sticanje naučnog stepena doktora nauka starosti do 45 godina.

### **3. „ Naučnotehnoška saradnja međunarodnog karaktera“**

- potpisan sporazum ili protokol o međudržavnoj ili međuinstitucionalnoj međunarodnoj saradnji;
- značaj saradnje za Federaciju i BiH;
- očekivani rezultati saradnje;
- referentnost učesnika u programu saradnje.

Korisnici sredstava: javni univerziteti i naučne ustanove.

Federalno ministarstvo obrazovanja i nauke dodjeljuje, u slučaju međuinstitucionalnih sporazuma, a u skladu sa finansijskim mogućnostima, podršku učešću u naučno-tehnološkoj saradnji međunarodnog karaktera i drugim oblicima međunarodne saradnje isključivo u dijelu koji se odnosi na materijalne troškove učešća ( troškovi putovanja, smještaja i ishrane, članarine i druge naknade za članstvo u krovnim međunarodnim strukovnim organizacijama ).

U slučaju međuinstitucionalnih sporazuma, javni univerziteti mogu za sufinansiranje kandidirati najviše 4, a naučne ustanove najviše 2 projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 10.000,00 KM.

U slučaju međunarodnih sporazuma potpisanih na državnom nivou, podrška će se dodjeljivati u skladu sa preuzetim obavezama..

### **4. „Organizacija domaćih i međunarodnih naučnih skupova (kongresi, savjetovanja, simpoziji, tribine i dr.)“**

Kriteriji za dodjelu sredstava:

- naučni i društveni značaj skupa;
- naučna referentnost organizatora i učesnika skupa;
- očekivani doprinos razvoju i širenju naučne misli i rezultata istraživanja;
- mogućnost uspostavljanja trajnih veza i saradnje sa domaćim i stranim naučnim ustanovama i naučnim radnicima;
- povezivanje sa naučnom dijasporom BiH;
- tradicija manifestacije i važnost tematike skupa.

Korisnici sredstava: javni univerziteti, naučne ustanove i naučna, odnosno naučnostručna društva.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku organizaciji naučnih manifestacija isključivo u dijelu koji se odnosi na materijalne troškove pripreme i održavanja naučne manifestacije ( troškovi štampanja poziva i programa, troškovi umnožavanja referata, koreferata, saopćenja i drugih priloga, troškovi osiguranja prostora za rad naučnog skupa, troškovi pratećih usluga – simultano prevođenje i sl., troškovi

objavljivanja radova sa naučnog skupa u zborniku radova/zborniku apstrakata ili odgovarajućem časopisu ).

Javni univerziteti mogu kandidirati najviše 4, naučne ustanove najviše 2, a naučna i naučnostručna društva po 1 projekat u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 10.000,00 KM.

## **5. „Podrška istraživanju od značaja za Federaciju“**

Kriteriji za dodjelu sredstava:

- referentnost istraživača, odnosno institucije;
- detaljno razrađen projekat ili program sa finansijskim planom, te pregledom i strukturom učesnika;
- potencijalni značaj rezultata istraživanja za Federaciju, odnosno BiH.

Korisnici sredstava: javni univerziteti i naučne ustanove.

Javni univerziteti mogu kandidirati najviše 4, a naučne ustanove najviše 2 istraživačka projekta u okviru ovoga programa.

Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 10.000,00 KM.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku istraživanju od značaja za Federaciju isključivo u dijelu koji se odnosi na materijalne troškove ( nužni putni troškovi i troškovi boravka neophodni za provođenje istraživanja, troškovi obavljanja istraživanja-naknade za provođenje laboratorijskih i sličnih ispitivanja, kopiranje literature, dokumenata i drugih materijala neophodnih za istraživanje,), bez autorskih i sličnih honorara, naknada i dnevnica, te troškova nabavke opreme.

**Napomena: U okviru ovog programa finansirat će se isključivo provođenje određene faze istraživanja, neophodne za kompletiranje rezultata naučnoistraživačkog rada (istraživanje na terenu, laboratorijski opiti i sl.).**

## **6. „Podrška autorima, visokoškolskim i naučnim institucijama u izdavanju novije naučne, stručne i univerzitetske literature“, uz otkup dijela tiraža**

Kriteriji za dodjelu sredstava:

- najmanje dvije recenzije;
- izdavački projekat u 2009. ili 2010. godini;

- visok nivo naučnog ili stručnog djela;
- u slučaju visokoškolskog udžbenika: mišljenje visokoškolske ustanove da se izdanje može koristiti kao univerzitetski udžbenik ili pomoćna literatura.

Korisnici sredstava: javni univerziteti i naučne ustanove, naučna i naučnostručna društva, naučni radnici-autori (izuzetno)

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku autorima, visokoškolskim i naučnim institucijama u izdavanju nove naučne, stručne i univerzitetske literature isključivo u dijelu koji se odnosi na materijalne troškove realizacije izdavačkog projekta ( troškovi tehničke pripreme i štampanja knjige ili udžbenika ), bez autorskih, uredničkih i sličnih honorara i naknada.

Javni univerziteti mogu kandidirati najviše 5, a naučne ustanove najviše 2 izdavačka projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 4.000,00 KM.

**Napomena: Zahtjevi za dodjelu sredstava u okviru ovog programa podnose se isključivo putem naučnih ili visokoškolskih ustanova. Izuzetno, u slučaju da autor nije zaposlen na nekoj od javnih naučnih ili visokoškolskih ustanova, odnosno nije u radnom odnosu, zahtjev može podnijeti lično, uz prilaganje odgovarajućeg dokaza o svom radnom statusu.**

## **7. „Učešće na domaćim i međunarodnim naučnim skupovima“**

Kriteriji za dodjelu sredstava:

- značaj i visok nivo naučne manifestacije;
- referentnost učesnika;
- dokaz da je rad prihvaćen za učešće i/ili izlaganje na naučnoj manifestaciji;
- detaljno obrazložen finansijski plan sa dokazima o visini troškova (predračuni i sl.)
- potvrda javnog univerziteta ili naučne ustanove o učešću u finansiranju troškova.

Korisnici sredstava: Naučni radnici-učesnici naučne manifestacije putem javnih univerziteta ili naučnih ustanova.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku aktivnom učešću na naučnom skupu isključivo u dijelu koji se odnosi na materijalne troškove učešća ( putni troškovi, troškovi boravka-smještaj i ishrana, kotizacija, izrada materijala za prezentaciju ), bez autorskih i sličnih honorara, naknada i dnevnica.

Javni univerziteti mogu kandidirati najviše 15, a naučne ustanove najviše 3 projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 2.000,00 KM.

**Napomena: Zahtjevi za dodjelu sredstava u okviru ovog programa podnose se isključivo putem naučnih ili visokoškolskih ustanova.**

## **8. „Sufinansiranje istraživačkog rada, kraćih specijalizacija, naučnog usavršavanja i studijskih boravaka u zemlji i inostranstvu s ciljem podizanja stepena naučnog zvanja“**

Kriteriji za dodjelu sredstava:

- obrazložen zahtjev javnog univerziteta, odnosno naučne ustanove sa područja Federacije, za kandidata/kandidatkinju;
- odluka institucije, odnosno organizacije o upućivanju kandidata na usavršavanje i potvrda o učešću u finansiranju troškova;
- saglasnost domaćina o prihvatanju kandidata;
- u slučaju samostalnog istraživačkog rada, specijalizacije ili naučnog usavršavanja: relevantnost istraživanja za Federaciju i BiH; dokaz da je istraživanje ili specijalizacija neophodna za dalje naučno usavršavanje kandidata/kinje ili postizanje odgovarajućeg naučnog stepena/zvanja; detaljno obrazložen finansijski plan sa dokazima o visini troškova (predračuni i sl.); dokaz da kandidat/kinja nije zaposlen u nekoj od naučnih ili visokoškolskih ustanova, odnosno da nije u radnom odnosu.

Korisnici sredstava: naučni radnici i istraživači putem javnih univerziteta i naučnih ustanova, odnosno lično (izuzetno-u slučaju samostalnog istraživačkog rada).

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku obavljanju istraživačkog rada, kraćih specijalizacija, naučnog usavršavanja i studijskih boravaka u zemlji i inostranstvu sa ciljem podizanja stepena naučnog zvanja, isključivo u dijelu koji se odnosi na materijalne troškove ( putni troškovi, troškovi boravka-smještaj i ishrana, troškovi obavljanja istraživanja-naknade za provođenje laboratorijskih i sličnih ispitivanja, kopiranje literature, dokumenata i drugih materijala neophodnih za istraživanje, troškovi lokalnog prevoza-javni gradski saobraćaj ), bez autorskih i sličnih honorara, naknada i dnevnica.

Javni univerziteti mogu kandidirati najviše 5, a naučne ustanove najviše 2 projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 2.500,00 KM.

**Napomena: Zahtjevi za dodjelu sredstava u okviru ovog programa podnose se isključivo putem naučnih ili visokoškolskih ustanova, izuzev u slučaju samostalnog istraživačkog rada, specijalizacije ili naučnog usavršavanja (za kandidate koji nisu zaposleni u nekoj od naučnih ili visokoškolskih ustanova).**

## **9. „Podrška radu biblioteka naučnih i visokoškolskih ustanova u Federaciji i njihovo uključivanje u bibliotečko-informacioni sistem“**

Kriteriji za dodjelu sredstava:

- broj korisnika biblioteke;

- učešće u međubibliotečkoj saradnji i razmjeni;
- stvaranje uslova za korištenje bibliotečkih elektronskih usluga;
- nabavka neophodne naučne, univerzitetske i stručne literature u cilju obogaćivanja bibliotečkog fonda;
- uključivanje u COBISS ili neki drugi bibliotečko-informacioni sistem.

Korisnici sredstava: univerzitetske biblioteke, naučne ustanove.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku radu biblioteka naučnih i univerzitetskih ustanova u Federaciji i njihovom uključivanju u bibliotečko-informacijske sisteme isključivo u dijelu koji se odnosi na materijalne troškove realizacije projekta ( troškovi nabavke neophodne bibliotečke i informatičke opreme, pretplata za uključivanje u bibliotečko-informacijske sisteme i pristup referentnim naučnim bazama podataka, članarine u krovnim međunarodnim bibliotečkim asocijacijama, troškovi učešća u međubibliotečkoj saradnji i razmjeni, troškovi nabavke aktuelne naučne, univerzitetske i stručne literature u cilju obogaćivanja bibliotečkog fonda ), bez bilo kakvih honorara i naknada za učesnike ili voditelje projekta.

Univerzitetske biblioteke mogu kandidirati najviše 5, a naučne ustanove najviše 2 projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 3.000,00 KM. Izuzetno, Nacionalna i univerzitetska biblioteka Bosne i Hercegovine, kada nastupa kao matična biblioteka, odnosno u ime ostalih biblioteka naučnih i visokoškolskih ustanova, može dodatno kandidirati jedan projekat u maksimalnom iznosu do 25.000,00 KM.

## **10. „Podrška inovatorima i pronalazaštvu“**

Kriteriji za dodjelu sredstava:

a) za pojedince - inovatore i pronalazače:

- detaljno obrazložen projekat sa navođenjem značaja, ciljnih grupa i direktnih i indirektnih korisnika rezultata projekta;
- referentnost inovatora/pronalazača, osvojene nagrade i priznanja;
- pozitivno mišljenje i preporuke relevantne institucije;
- detaljno obrazložen finansijski plan sa dokazima o visini troškova realizacije projekta-predračuni i sl.
- za učešće na međunarodnim manifestacijama: relevantnost manifestacije, poziv organizatora, dokaz da je pronalazak ili pronalazač dobio ili se nalazi u konkurenciji za dobijanje neke od nagrada; detaljno obrazložen finansijski plan sa dokazima o visini troškova učešća-predračuni i sl.

b) za udruženja-ustanove u oblasti inovatorstva i pronalazaštva:

- detaljno razrađen projekat ili program sa pregledom i strukturom učesnika i navođenjem značaja, ciljnih grupa i direktnih i indirektnih korisnika rezultata projekta;

- detaljno obrazložen finansijski plan sa dokazima o visini troškova realizacije projekta-predračuni i sl.;
- relevantnost udruženja-institucije, osvojena priznanja i nagrade.

Korisnici sredstava: udruženja inovatora i pronalazača, inovatori i pronalazači-pojedinci.

Federalno ministarstvo obrazovanja i nauke dodjeljuje, u skladu sa finansijskim mogućnostima, podršku inovatorstvu i pronalazaštvu isključivo u dijelu koji se odnosi na materijalne troškove programa ili projekta ( putni troškovi i troškovi boravka u povodu učešća na međunarodnim manifestacijama na koje je pozvan inovator ili udruženje, troškovi organiziranja manifestacije - takmičenja, edukacije, smotre znanja i sl., troškovi izrade prototipa pronalaska, troškovi prijave patenta, realni troškovi rada na pronalasku i inovaciji ).

Ministarstvo neće finansirati troškove reprezentacije, autorske i slične honorare, naknade i dnevnice, te redovne troškove poslovanja udruženja-režijski troškovi, plaće, naknade i sl.

Udruženja mogu kandidirati najviše 2, a pojedinci 1 projekat u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 10.000,00 KM.

#### **11. „Podrška javnim naučnim i visokoškolskim ustanovama (univerzitetima) od značaja za Federaciju“**

Podrška javnim naučnim i visokoškolskim ustanovama (**stimulisanje rada javnih naučnoistraživačkih, istraživačko-razvojnih i visokoškolskih ustanova od značaja za Federaciju/BiH kroz uređenje prostora i nabavku prioritetne opreme za naučnoistraživački rad**), dodjeljivaće se u skladu sa slijedećim kriterijima:

- lista prioriteta javnog univerziteta ili naučne ustanove za uređenje prostora i nabavku prioritetne opreme za naučnoistraživački rad sa obrazloženjem;
- trenutno stanje i starost objekta i/ili opreme;
- neophodnost zahvata na uređenju prostora i njegovom prilagođavanju potrebama instaliranja i stavljanja u funkciju naučnoistraživačke opreme, odnosno obavljanja naučnoistraživačkog rada;
- neophodnost nabavke opreme za rad ustanove i permanentnu edukaciju naučnih kadrova;
- broj potencijalnih korisnika oprema;
- značaj nabavke i korištenja opreme u prilagođavanju standardima i normativima u oblasti visokog obrazovanja i naučnoistraživačke djelatnosti;
- detaljno razrađen finansijski plan projekta sa dokazima o visini troškova ( pomude, predračuni i sl. );
- obrazložena izjava ustanove sa dokazima da će se oprema koristiti u naučnoistraživačke svrhe;
- učešće ustanove.

Korisnici sredstava: javne naučne ustanove, javni univerziteti.



Javni univerziteti mogu kandidirati najviše 5 projekata u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 30.000,00 KM. Alternativno, javni univerzitet može aplicirati s manjim brojem projekata, čija ukupna vrijednost ne može biti veća od 150.000,00 KM.

Javne naučne ustanove mogu kandidirati najviše 2 projekta u okviru ovoga programa. Projekti koji budu odobreni od strane Federalnog ministarstva obrazovanja i nauke podržat će se u maksimalnom iznosu do 20.000,00 KM. Alternativno, javna naučna ustanova može aplicirati s jednim projektom, čija ukupna vrijednost ne može biti veća od 30.000,00 KM.

**Napomena: Sastavni dio ovog Javnog poziva čine aplikacijski obrasci za svaki od programa, uz koji su navedeni obavezni prilozi.**

**Nepotpune, neblagovremene i neodgovarajuće prijave neće se uzimati u razmatranje.**

**Krajnji rok za podnošenje zahtjeva: 02. 04. 2010. godine.**